



ЎЗБЕКИСТОН РЕСПУБЛИКАСИ ПРЕЗИДЕНТИ АМЕРИКА — ЎЗБЕКИСТОН САВДО ПАЛАТАСИ ДЕЛЕГАЦИЯСИНИ ҚАБУЛ ҚИЛДИ

Ўзбекистон Республикаси Президенти Шавкат Мирзиёев 22 октябрь кuni Ўзбекистонда АҚШ бизнеси ҳафталиги тadbирларида иштирок этиш учун мамлакатимизга келган Америка — Ўзбекистон савдо палатаси раиси Кэролин Лэмм бошчилигидаги делегацияни қабул қилди.

Давлатимиз раҳбари меҳмонларни самимий қутлар экан, Ўзбекистон ва АҚШ ўртасидаги кўп қиррали ҳамкорлик жадал ривожланиб бораётганини алоҳида мамнуният билан қайд этди. Жорий йил май ойида АҚШга амалга оширилган олий даражадаги ташрифнинг самарали натижалари стратегик шерикликнинг янги даврини бошлаш имконини берди.

АҚШнинг «Женерал Электрик», «Боинг», «СиЭнЭйч Индастриал», «Жон Дир», «Ханивелл», «Силверлиф», «Уайт энд Кейс» ва бошқа кўплаб компаниялари билан савдо-иқтисодий, инвестиция ва инновация соҳаларидаги ўзаро ҳамкорлик кенгаймоқда.

Бугунги кунда машинасозлик, нефть-газ ва газ-кимё, электр энергетикаси, тўқимачилик ва озиқ-овқат саноати, қишлоқ хўжалиги, соғлиқни сақлаш ва таълим соҳаларини қамраб олган қиймати 5 миллиард доллардан зиёд истиқболли лойиҳалар амалга оширилмоқда.

Жорий йил бошидан мамлакатимизда АҚШ инвестициялари иштирокида 25 янги корхона ташкил этилди, ўзаро савдо ҳажми икки баробар кўпайди.

Ўзаро манфаатли бизнес ҳамкорлигини мустаҳкамлашда таркибига АҚШнинг жаҳонга машҳур 37 та компанияси, инвестиция корпорациялари ва банклари

қирган Америка — Ўзбекистон савдо палатаси муҳим роль ўйнаётганини таъкидланди.

Учрашувда иқтисодиётнинг турли тармоқларида амалий ҳамкорликни янада мустаҳкамлаш, аввало, технологиялар соҳасидаги шерикликни ривожлантиришнинг аниқ истиқболлари муҳокама қилинди.

Эришилган келишувлар ва имзоланган битимларни ўз вақтида амалга ошириш, шунингдек, Палатанинг янги аъзоларини жалб этган ҳолда, инвестиция лойиҳаларини тайёрлаш муҳимлиги қайд этилди.

АҚШ компанияларининг Ўзбекистон бозорида узоқ муддат фаолият юритиши учун қулай шароитлар яратишга алоҳида эътибор қаратилди.

Кэролин Лэмм давлатимиз раҳбарига самимий қабул ҳамда Палата аъзоларининг мамлакатимиздаги фаолиятига кўрсатилётган ҳар томонлама қўмак учун АҚШ ишбилармонлар ҳамжамияти номидан чўқур миннатдорлик билдирди.

Ўзбекистонда барча соҳа ва йўналишларда амалга оширилаётган ислохот ва янгиланишлар тadbиркорлик ташаббусларини муваффақиятли рўйбга чиқаришда кенг имкониятлар яратилгани қайд этилди.

Америка — Ўзбекистон савдо палатаси мамлакатларимиз ўртасидаги самарали савдо-иқтисодий, инвестициявий ва технология ҳамкорлигини янада кенгайтириш ва мустаҳкамлашда фаол иштирок этишга тайёр экани алоҳида таъкидланди.

ЎзА

Кэролин ЛЭММ:

ЎЗБЕКИСТОН БИЛАН ҲАМКОРЛИКНИНГ ЯНГИ ИМКОНИЯТЛАРИНИ ИШГА СОЛАМИЗ

Америка — Ўзбекистон савдо палатаси раиси Кэролин Лэмм Ўзбекистон билан АҚШ ўртасидаги савдо-иқтисодий ҳамкорлик истиқболлари ҳақида ЎзА мухбирига қуйидагиларни сўзлаб берди:

— Аввало, Президент Шавкат Мирзиёев Жаноби Олийларининг фармонида мувофиқ Ўзбекистон Республикасининг юксак давлат мукофоти — «Дўстлик» ордени билан тақдирланганидан гоят мамнун эканимни айтимоқчиман. Бу мукофот кўп йиллик дўстона ҳамкорлигимизни янада ривожлантириш йўлида менга катта ишонч ва рағбат бағишлайди.

Бугунги музокараимизда Ўзбекистонда иқтисодий, инвестициявий, шунингдек, меъёрий-ҳуқуқий соҳаларни такомиллаштириш юзасидан олиб борилаётган муҳим ўзгаришлар ҳақида фикр алмашдик.

Давлатининг раҳбари ташаббуси билан ишбилармонлик ва инвестиция

муҳитини яхшилаш, Ўзбекистон иқтисодиётига хорижий сармояларни жалб этиш бўйича улкан ишлар амалга оширилмоқда. Таъкидлаш жоизки, Америка — Ўзбекистон савдо палатасига аъзо компаниялар ўзбекистонлик шериклар билан икки томонлама ҳамкорлик бўйича имзоланган англашув меморандумлари асосида алоқаларни ривожлантиришга алоҳида эътибор қаратмоқда. Ўшбу келишувлар доирасида Америка компаниялари мамлакатимизга 10 миллиард долларлик инвестиция киритиш ниятида.

Ўзбекистон билан самарали ҳамкорлигимиз 2017 йил сентябрь ойида Президент Шавкат Мирзиёевнинг БМТ Бош Ассамблеясининг 72-сессиясидаги иштироки доирасида Нью-Йорк шаҳрида ўтган учрашувимиздан сўнг янги босқичга чиқди. Жорий йил май ойида давлатининг раҳбарининг Америка Қўшма

Штатларига расмий ташрифи чоғидаги музокараимиз ўзаро ҳамкорликни янада ривожлантириш йўлида муҳим қадам бўлди. Ўшбу тadbирда Ўзбекистон билан истиқболли лойиҳаларни амалга ошириш бўйича салмоқли ҳужжатлар имзоланди.

23 октябрь кuni бошланадиган Америка бизнеси ҳафталиги тadbирлари ўзбекистонлик шериклар билан ўзаро ҳамкорликнинг янги имкониятларини ишга солишга хизмат қилади. Ўшбу тadbирларда қатор ҳужжатлар имзолашни мўлжаллаяпмиз. Бу америкалик сармоядорлар томонидан Ўзбекистон иқтисодиётига киритилаётган инвестициялар ҳажмини янада оширишда муҳим омил бўлади.

ЎзА мухбири
М.ЭЛМУРОДОВ
ёзиб олди.

Ўзбекистон Республикаси Президентининг ҚАРОРИ

ДАВЛАТ-ХУСУСИЙ ШЕРИКЛИКНИ РИВОЖЛАНТИРИШНИНГ ҲУҚУҚИЙ ВА ИНСТИТУЦИОНАЛ БАЗАСИНИ ЯРАТИШ БЎЙИЧА БИРИНЧИ НАВБАТДАГИ ЧОРА-ТАДБИРЛАР ТЎҒРИСИДА

Мамлакатимизда иқтисодиётни либераллаштириш бўйича амалга оширилаётган чора-тадбирлар ва институционал ислохотлар инвестиция муҳитини яхшилашга, хорижий ва маҳаллий инвесторлар сонининг ортиб боришига қўмаклашмоқда.

Шу билан бирга, аънаваний равишда давлат тасарруфида ва бошқарувда бўлган иқтисодиёт тармоқлари ва ижтимоий соҳада тўпланиб қолган муаммо ва камчиликлар давлат-хусусий шериклик тизимини жорий этишни жадаллаштириш юзасидан муҳим чоралар қўришни тақозо этмоқда.

Ижтимоий ва коммунал соҳалар, шахарсозлик ва ободонлаштириш, йўл хўжалиги, энергетика соҳасидаги давлат монополияси товарлар ишлаб чиқариш ва хизмат кўрсатиш сифатини, давлат маблағларидан фойдаланиш самарадорлигини пайсаятимоқда.

Давлат-хусусий шериклигини ривожлантиришнинг тамойиллари, шартлари ва йўналишларини белгилловчи ҳуқуқий ва институционал база, шунингдек, ўрта ва узоқ муддатли истиқболда бюджет тизимига молиявий, техник ва тижорат тавakkалчиликларининг таъсирини баҳолаш механизми ишлаб чиқилмаган.

Давлат-хусусий шериклиги механизмларидан фойдаланиш орқали инфратузилма ва ижтимоий лойиҳаларни амалга оширишда, шунингдек, уларни тизимли мониторинг қилишда давлат ва бизнес ўртасидаги ҳамкорлигини таъминловчи махсус орган мавжуд эмас.

Ижтимоий аҳамиятга эга бўлган вазифаларни ўзаро манфаатли шароитларда теzkорлик билан ҳал этиш, шунингдек, давлат-хусусий шериклик тизимини самарали бошқариш ва мувофиқлаштириш учун институционал имкониятлар комплексини яратиш мақсадида:

1. Ўзбекистон Республикаси Молия вазирлиги, Иқтисодиёт вазирлиги ва Савдо-саноат палатасининг Ўзбекистон Республикаси Молия вазирлиги ҳузурида Давлат-хусусий шериклигини ривожлантириш агентлигини (кейинги ўринларда — Агентлик деб юритилади) ташкил этиш тўғрисидаги таклифи маъқуллансин.

2. Агентлиkning асосий вазифалари этиб қуйидагилар белгилансин:

иқтисодиёт ва ижтимоий соҳанинг устувор йўналишларида давлат-хусусий шериклигини ривожлантириш бўйича тармоқ дастурларини ишлаб чиқишда иштирок этиш;

давлат-хусусий шериклик лойиҳаларининг самарадорлиги ва афзалликларини баҳолаш услубини ишлаб чиқиш, ушбу лойиҳаларни тайёрлаш ва амалга оширишни услубий жиҳатдан қўллаб-қувватлаш;

давлат-хусусий шериклик соҳасидаги лойиҳаларни амалга оширишда идоралараро мувофиқлаштиришни таъминлаш, шунингдек, лойиҳалар тўғрисидаги ахборотни очик ҳолда жойлаштириш ва уларнинг реестрини юритиш;

давлат-хусусий шериклигини ривожлантириш дастурларини амалга ошириш, шу жумладан, муайян лойиҳалар концепцияларини ишлаб чиқишда вазирлик ва идораларга қўмаклашиш;

давлат-хусусий шериклигини ривожлантириш масалаларида инвесторлар, халқаро молия ва донор ташкилотлари, илмий ва эксперт ҳамжамиятлари, шунингдек, бозорнинг бошқа иштирокчилари билан ҳамкорлигини ташкил этиш;

давлат-хусусий шериклик лойиҳалари иштирокчиларининг ҳуқуқлари ва қонуний манфаатларини ҳимоя қилишга ҳар томонлама қўмаклашиш, лойиҳаларни молиялаштириш механизмлари, шу жумладан, юзага

келиши мумкин бўлган тавakkалчиликларни аниқлаш ва тақсимлаш юзасидан упарнинг таклифларини кўриб чиқиш;

давлат-хусусий шериклик лойиҳаларини, шу жумладан, лойиҳаларга жалб қилинган бюджет тизими маблағларидан фойдаланилишини, шунингдек, тегишли тармоқлардаги халқаро тажрибани инобатга олган ҳолда лойиҳаларни тайёрлаш ва амалга ошириш амалиётини мониторинг қилиш.

3. Белгилансинки:

Агентлик давлат муассасаси шаклида ташкил этилади ва **Ўзбекистон Республикасида давлат-хусусий шериклик соҳасида ягона давлат сўсатини юритиш бўйича махсус ваколатли орган ҳисобланади**; норматив-ҳуқуқий ҳужжатлар лойиҳалари, танлов ҳужжатлари, шунингдек, давлат-хусусий шериклик тўғрисидаги битимлар лойиҳалари ва уларга киритиладиган ўзгаришлар мажбурий тартибда Агентлик билан келишилиши лозим;

Агентлик давлат-хусусий шериклик лойиҳаларининг амалга оширилиши, техник-иқтисодий ҳама молиявий кўрсаткичлари тўғрисидаги ахборотни уларнинг ташаббускорлари ва иштирокчиларидан сўраб олиш ҳуқуқига эга;

Агентлики таъминлаб туриш харажатлари Ўзбекистон Республикаси Давлат бюджети маблағларидан молиялаштирилади;

Агентликка директор — Ўзбекистон Республикаси молия вазирининг ўринбосари раҳбарлик қилади;

Агентлик директорининг биринчи ўринбосари ва ўринбосари Ўзбекистон Республикаси Молия вазирлиги томонидан белгиланган тартибда лавозимга тайинланади ва лавозимдан озод этилади;

Агентлик ходимларига Ўзбекистон Республикаси Молия вазирлиги ходимлари учун

ХХР РАИСИ СИ ЦЗИНЬПИННИНГ ЎЗБЕКИСТОН ПРЕЗИДЕНТИ ШАВКАТ МИРЗИЁЕВГА МАКТУБИ

Ўзбекистон Республикаси Президенти
Шавкат Мирзиёев Жаноби Олийларига

Муҳтарам Президент жаноблари!

Хитой Халқ Республикаси ташкил топганининг 69 йиллиги муносабати билан йўллаган самимий табригиниз учун Сизга чўқур миннатдорлик билдиришга ихозат бергайсиз.

Жорий йил бошидан Хитой ва Ўзбекистон ўртасидаги ҳар томонлама стратегик шериклик муносабатларида ижобий тенденция давом этиб, ўзаро сиёсий ишонч муттасил мустаҳкамланиб бормоқда. «Бир макон, бир йўл» ташаббусини биргаликда рўйбга чиқаришда янги муваффақиятларга эришилди, халқларимиз ўртасидаги ўзаро англашув ва дўстлик изчил мустаҳкамланмоқда. Сиз билан Циндао шаҳрида ШХТ саммити доирасидаги учрашувимизни тез-тез эслайман, ушбу учрашувдан сўнг икки

томонлама муносабатларни ривожлантириш бўйича биз қабул қилган янги режалар босқичма-босқич ҳаётга татбиқ этилмоқда.

Мен Хитой — Ўзбекистон алоқаларини ривожлантиришга алоҳида эътибор қаратаман, ўртаимизда шаклланган амалий муносабатлар ва шахсий дўстлиқни юксак қадрлайман. Хитой ва Ўзбекистон ўртасидаги ҳар томонлама стратегик шериклик муносабатларини мамлакатларимиз ва халқларимиз фаровонлиги йўлида изчил ривожлантиришни рағбатлантириш мақсадида бундан буён ҳам Сиз билан яқиндан ҳамкорлиқни давом эттиришга умид қиламан.

Сизга мустаҳкам соғлиқ, бахт-саодат, Ўзбекистон халқи фаровонлиги йўлидаги олижаноб фаолиятингизда улкан муваффақиятлар тилайман.

Си ЦЗИНЬПИН,
Хитой Халқ Республикаси Раиси



Қосириқ БУМАТОВ ослан оуради.

Ўзбекистон ХДП фракцияси ҚАНЧА МУРОЖААТНИ ҲАЛ ҚИЛИШГА ЭРИШДИ?

Олий Мажлис Қонунчилик палатасидаги Ўзбекистон ХДП фракцияси матбуот анжумани ўтказди. Унда фракциянинг жорий йил 9 ой мобайнида амалга оширган ишлари юзасидан ҳисоботи эштилди.

Таъкидланганидек, ҳисобот даврида «Фаол тadbиркорлик, инновацион ғоялар ва технологияларни қўллаб-қувватлаш йили» Давлат дастури, парламент палаталари, сиёсий партиялар ҳамда Ўзбекистон Экологик ҳаракати вакиллари билан ўтказилган видеоселектор йнгилишидаги


Президент маърузаси ҳамда Мурожаатномада белгиланган вазифаларни амалга ошириш бўйича ишлаб чиқилган чора-тадбирлар дастури ижросига алоҳида эътибор қаратилган.

Давоми 2-бетда. ►

ЎЗБЕКИСТОН — РОССИЯ

ИЛМ — ФАН

халқларимизни янада
яқинлаштиради, мамлакатларимизни
тараққий эттиради



Рустам ХОЛМУРОДОВ,
Самарканд давлат университети ректори,
техника фанлари доктори, профессор:

— Илм-фан ва таълимда чегара бўлмастлиги керак. Фан марказларига интилиш, илм эгаллаш йўлидаги ҳар қандай тўсиқларни олиб ташлаш, ҳамкорликдаги лойиҳаларга ҳалол ёндашиш, ҳар икки томон манфаати ва муаллифлик ҳуқуқларига қатъий амал қилиш, илмий мактаблар, жаҳон миқёсида тан олинган олимлар имкониятларидан фойдаланиш, бир сўз билан айтганда бутун дунёда маърифат устунлигига эришиш бугуннинг энг муҳим вазифасидир.

Давоми 2-бетда. ►

Давоми 3-бетда. ►

